

مسلم ومحتار بالكوفة وحيذ
غاب عنه الناصر وغاب العميد
في سكيك الكوفة عن أهله بعيد
والنفس خابت يوسفه أمالها

وقف يم باب الوديعه ابجسرته
حاير ومثته تعاليت زفرتته
طلعت الحره الوديعه وشافته
بشربة الماي اروتته وزلالها

وقف حاير من شرب ماي الزلال
وعينه تربي لليمين وللشمال
نادته طوعه وبدت ليه ابسوال
وين أهلك شنهو اللي نالها

قال أنا يا طوعه مرسول الوفه
جيت للكوفه والرايه امرفرفه
وتالي في ساعة غدر صار الجفه
ويته خانيت هالبلد ورجالها

صاحت الحره وعلا منها النحيب
يا هلا ابمسلم ومرسول الحبيب
يصعب انشوفك ابهالديره غريب
واه من دنية غدر وأحوالها

وأوته بالدار راعي المرجلة
وكل ساعة اتعائنه وتصد له
ومسلم القران ظل ايرتله
وبالذعا والذكر وي أمثالها

لجنة التأليف
موكب عزاء المعامير

وبس لفي معقل وعائين ما جرى
راح لبن ازياد ايشره ويخبره
ساعه لن عسكر الطاغي حاضره
وظلع مسلم للعدا يبرى الها

وبس بدا حملاته اتعالى العجاج
تفرهد العسكر ومن صولاته ماج
سيفه يبرق بالدماء مثل السراج
من يجدل بالحرب أبطالها

ومن يكر بالجيش تنهاوى الصفوف
والأعادي حايه وحوله وقوف
ما ارتهب منها ولا صابه الخوف
خسف أرض المعركة ابزلز الها

وظل على العدوان وبسيفه الصقيل
يحطم الروس ابعزم ماله مثيل
وبس أخذ منه التعب صفة عقيل
وقع في الحفرة ابغدر أنذالها

لجنة التأليف
مؤكّب عزاء المعامير